

Hordaland Fagskulestyre
v/Styreleiar Roald Stenseide

Voss den 13. desember 2013

Nedlegging av dagklassar ved Bergen Tekniske fagskule avd. Voss innan fordjuping anlegg

Me kunne lesa i saksdokumenta til styremøte den 19. november 2014 (arkivsak 201112362-182 arkivnr. 522, saksbehandlar Adeline Landro) fyljande som argument for nedlegging av dagklassane på Voss.

Anlegg heiltid – studiestad Voss

Studiestaden Voss har tilbod innan anlegg både på heiltid og deltid. I skuleåret 2013/14 har dei totalt 32 studentar fordelt på tre trinn. For å få større og meir robuste klassar på Voss foreslår administrasjonen ved Opplæringsavdelinga å ikkje opprette anlegg på heiltid ved studiestaden Voss skuleåret 2014/15, men heller oppretta anlegg på nett frå fyrste året. Fram til no har nett-tilbodet ved Voss vore delt slik at studentane gjekk eitt og eit halvt år på Bergen tekniske og eitt og eit halvt år på Voss tekniske. Dette gjer at det er vanskeleg å marknadsføra tilbodet, då det ikkje er tydeleg for studentane kor dei skal studera. I tillegg vil studiestaden kunne få større og meir robuste klassar når det berre er eitt tilbod som går på Voss over tre år.

Nedlegging av dagklassar er grunngeve med at dei vil ha «større og meir robuste klassar». Det vert også nemnt at det er «vanskeleg å marknadsføra tilbodet».

Syner til rapportering frå DHB: Som syner søknader til VTF 2013. Som tabellen syner har Voss tekniske fagskule nest høgaste studenttal i Noreg innan bygg og anlegg med fordjuping anlegg. Sjå vedlegg 2 (mail frå inntakskontoret ved Bjarne Grefstad).

Me kan og nemna at det sto sju søkjarar på venteliste nett som ikkje vart tatt inn 2013.

All marknadsføringa av skulen har me stått for sjølve, med begrensa midlar.

Alt dette syner at grunngevinga for styrevedtaket med nedlegging av dagklassane på Voss ikkje er rett..

Ass.rektor Sveinung Hansen har laga eit oppsett over dei endringar i ressursar som dette vil medføra. Konklusjonen syner ein reduksjon av lærarkreftene på Voss tekniske fagskule.

Syner til vedlegg 3

Saksgangen ser ut til å ha oversett personalet sine demokratiske rettar. På møtet den 20. august på Voss med rektor Torbjørn Tvedt, avdelingsleiar Reidar Bøen, vart me forsikra om at arbeidsplassane våre skulle framleis vera på Voss etter administrativ overflytting til Bergen tekniske fagskule. Syner til vedlegg 1.

Dette samsvarar ikkje med retningslinjene for HFK sin politikk vedrørande forutsigbarheit for dei tilsette.

Bergen Tekniske Fagskole avd. Voss

Hordaland Fylkeskommune

Som det går fram av saksgangen i vedlegg 1 har ingen av oss fått uttala seg om nedlegginga før styremøtet den 19. november. Organisasjonane var ikkje informerte, og tilsettere representanten i styret har heller ikkje informert nokon av oss.

Dette er heller ikkje tråd med retningslinjene i HFK sin personalpolitikk

Det er stor aktivitet innan bygg og anlegg i vår region, derfor har me hatt god tilgang på studentar dei siste åra.

I næraste framtid kan me nemna E39, store skuleutbyggingar, jernbaneutbygging, E16 osv. som spennande anleggsområder.

Skulen har nært samarbeid med både lokale - og sentrale entreprenørar.

Med bakgrunn i dette bør me heller styrka fagskuletilbodet på Voss. Me vil foreslå at all anleggsutdanning, både dag –og nettundervisninga vert flytta til Voss. Då er ikkje berre marknadsføringa løyst, men me vil også få «større og meir robuste klassar.» Dette vil styrka miljøet på Voss.

Konklusjon:

Med dette som bakgrunn ber me om at:

- 1. Hordaland fagskulestyre handsamar saka på nytt.*
- 2. Før ei ny sak med tilsvarende følger vert teken opp, vert det tettare dialog med dei tilsette på Voss.*
- 3. Tilsettingstilhøva for lærarane på Voss vert avklara.*



Ivar Flatabø
Fagansvarleg

Kopi: Fylesopplæringsdirektør Svein Heggheim, Rektor Torbjørn Tvedt, Rektor Line Skage, Rådgjevar Adeline Landro, Regionsleiar Hillevi Elizabeth Runshaug

Brevet vert og sendt som e-post.

4 vedlegg